



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-10-11/23

Datum: 28.3.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/19 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) direktor Agencije za identifikaciona dokumenta, evidenciju i razmjenu podataka Bosne i Hercegovini donosi

O D L U K U o izboru najpovoljnijih ponuđača

Član 1.

Najpovoljniji ponuđači u postupku javne nabavke poštanskih usluga, objavljen na Portalu javnih nabavki Bosne i Hercegovine, broj Obavještenja o nabavci 1110-9-2-1-22-29/23 od 7.3.2023. godine, koji je proveden u skladu sa postupkom dodjele ugovora o uslugama iz Aneksa II Zakona o javnim nabavkama su **JP „BH POŠTA“ d.o.o. Sarajevo** i **„Preduzeća za poštanski saobraćaj Republike Srpske“ - „POŠTE SRPSKE“ a.d. Banjaluka**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja, te se istovremeno objavljuje dobrovoljno *ex ante* obavještenje o transparentnosti na Portalu javnih nabavki Bosne i Hercegovine.

Član 3.

Ugovori sa najpovoljnijim ponuđačima se potpisuju kada protekne rok od 15 dana od dana objave dobrovoljnog *ex ante* obavještenja o transparentnosti.

Član 4.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Na osnovu provedenog postupka nabavke poštanskih usluga, u skladu sa postupkom dodjele ugovora o uslugama iz Aneksa II Zakona o javnim nabavkama, konstatovano je da je rok za prijem ponuda 21.3.2023. godine do 12:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača **JP „BH POŠTA“ d.o.o. Sarajevo** i **„Preduzeća za poštanski saobraćaj Republike Srpske“ - „POŠTE SRPSKE“ a.d. Banjaluka**. Neblagovremenih ponuda nije bilo.



Ponude ponuđača su dostavljene za obavljanje poštanskih usluga prijema, prenosa i uručenja poštanskih pošiljaka i pružanje posebnih poštanskih usluga u unutrašnjem i međunarodnom poštanskom saobraćaju i to u Bihaću i Sarajevu od „JP BH POŠTA“ d.o.o. Sarajevo, a u Banjaluci i Bijeljini od Preduzeća za poštanski saobraćaj Republike Srpske - „POŠTE SRPSKE“ a.d. Banjaluka. Agencija nije zaprimila ponudu za obavljanje poštanskih usluga prijema, prenosa i uručenja poštanskih pošiljaka i pružanje posebnih poštanskih usluga u unutrašnjem i međunarodnom poštanskom saobraćaju u Mostaru, te će za ovaj dio postupka biti neophodno da se ponovo raspiše poziv za nabavku.

Prema Pozivu za dostavljanje ponuda u postupku dodjele ugovora o nabavci usluga iz Aneksa II Zakona o javnim nabavkama za nabavku poštanskih usluga, broj 15-03-16-5-10-5/23 od 1.3.2023. godine, ocijenjeno je da su pristigle ponude oba ponuđača kvalifikovane.

Cijene ponuda ovih ponuđača za pozivom definisane poštanske usluge u unutrašnjem i međunarodnom poštanskom saobraćaju su:

- JP „BH POŠTA“ d.o.o. Sarajevo – 239,80 KM bez PDV-a i
- „POŠTE SRPSKE“ a.d. Banjaluka – 135,35 KM bez PDV-a.


Poštanske usluge su oslobođene plaćanja PDV-a u skladu sa Zakonom o porezu na dodatu vrijednost („Službeni glasnik BiH“, br. 9/05, 35/05, 100/08 i 33/17).

Ugovori sa izabranim ponuđačima se zaključuju na okvirne vrijednosti za poštanske usluge i to u Banjaluci - 51.500,00 KM, u Bihaću - 1.500,00 KM, u Bijeljini - 20.000,00 KM i u Sarajevu - 44.000,00 KM, na period o tri godine od dana objave Obavještenja o nabavci.

Cijeneći da su ponuđači JP „BH POŠTA“ d.o.o. Sarajevo i „Preduzeće za poštanski saobraćaj Republike Srpske“ - „POŠTE SRPSKE“ a.d. Banjaluka dostavili kvalifikovane i prihvatljive ponude, te da na osnovu člana 6. stav (2) i člana 24. stav (1) Zakona o poštama („Službeni glasnik BiH“, br. 33/05) rezervisane poštanske usluge mogu obavljati samo javni poštanski operateri, utvrđeno je da je **za obavljanje poštanskih usluga u Sarajevu i Bihaću najpovoljniji ponuđač JP „BH POŠTA“ d.o.o. Sarajevo** sa cijenom ponude (za pozivom definisane poštanske usluge u unutrašnjem i međunarodnom poštanskom saobraćaju) od 239,80 KM bez PDV-a, a **u Banjaluci i Bijeljini najpovoljniji ponuđač su „POŠTE SRPSKE“ a.d. Banjaluka**, sa cijenom ponude (za pozivom definisane poštanske usluge u unutrašnjem i međunarodnom poštanskom saobraćaju) od 135,35 KM bez PDV-a.

Na osnovu navedenog odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana objave dobrovoljnog *ex ante* obavještenja o transparentnosti. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom, u rokovima propisanim Zakonom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIĆ / digitalno potpisano / digitally signed